

Bैंband 2

H. I S. 14

1157 März 28.

[21

† Bischof Bernhard I. von Paderborn schenkt dem Kloster Helmarshausen 1 $\frac{1}{2}$ Manſen in Haldiggen (Kr. Hofgeismar) und Neubruſchzehnten.

B. Dei gratia Patherbrunnensis episcopus omnibus fidelibus Christi tam presentibus quam futuris. Quoniam benignus dominus, qui abundantia pietatis suę et merita supplicum excedere novit et vota, de pulvere humilitatis nos suscitare dignatus est et erigere, ut collocaret cum principibus populi sui super solium pontificalis glorię, dignum est nos beneficiorum eius per omnia non inmemores existere. Sed quia gratuite largitati eius ex equo respondere non possumus, conveniens est, quod sanctis eius aliquod nostre devotionis obsequium offeramus, ut quia reverentia et honor ipsis impensus in eum, propter quem impenditur recurrit, eorum patrocinio veniam excessuum nostrorum impetremus, quam nostris meritis obtinere diffidimus. Placuit ergo nobis ecclesię beatę Dei genitricis Marię sanctique Petri apostolorum principis in Helmwardeshuson mansum et dimidium in villa Haldiggen dicta cum duabus areis et omnibus utilitatibus ad eas pertinentibus ad usum fratrum in prefata ecclesia Deo servientium cum consilio fidelium nostrorum tradere consentiente pariter et rogante Johanne, qui eas in beneficio a nobis acceperat. Volumus autem et in verbo Dei decernimus, idem predium, cum primum absolutum fuerit a Johanne, in prebendam fratrum pro remedio anime nostre permanere, atque aliquem laicorum eo inbeneficiari prohibemus anathematis imminatione. Preterea tradimus eidem ecclesię decimas novalium, quecunque patres eiusdem loci potuerint elaborare. Ut autem hec traditio nostra, que sine alicuius persone reclamatione facta est, rata permaneat, impressione sigilli nostri et banni nostri obtestatione roboramus, ut cum demonibus portio eius sit, si quis eam forte, quod absit, temerare vel infringere presumerit. Huius traditionis testes sunt canonici maiores ecclesię Bernhardus prepositus, Almarus decanus, Thietmarus, Ecbertus, Reinbertus prepositus, Sigifridus et alii plures. Laici vero Boimundus, Liudoldus, Heinricus, Helmwicus et alii multi.

Data V. Kal. Aprilis anno dominicę incarnationis M.C.L.VII, indictione V. Orig. Siegel ab.

Auf dem Rücken: De duobus mansis in Haldiggen et de decimis omnium novalium. XIII.

Druck Schaten ad ann. 1158. Vergl. Pfaff, Helmarshausen, S. 31.